



Insaniyot ór Settlement Purugaram

COVID-19 ÓLLA BOLI HÉDMOT ÓKKOL BODÓLLÉ

Har uggwá kelien Insaniyot ór Settlement Purugaram ór ólla modot solat takibou COVID-19 biyaram ór thaím ót. Kintu hédmot dibar torika bodóllé oficial aramiyot ór moswarar mutabek yé.

Meherbani gori kontek goro **HSP service provider** ore dairek noya torikar baabote.

Ciko **COVID-19 ar alamat ókkol ór** baabote.

Furassar

Insaniyot ór Settlement Purugaram (HSP) yé insaniyot or laín loí góillede itarare modot gore mahiri ókkol cikibolla ar nize baze doro oífarefan elom ókkol cikibolla ar Australiar cómaj ót aktif member bonibolla.

HSP iba Australia Sorkar ór torfottu diyede ar téka diyéde hédmot douya ókkollé foónsa de aga gura Australiar butore. HSP mazé golibolla tuáñár kuci yé golibadé ar hédmot ókkol kelien oré tarar zoruriyat ór mutabek yé kes oré souñle fan gori dedé

HSP hédmot douya ókkollé kelien oré zoruri maksud íín fura goribolla modot gore ziín neíki kamiyab ór saté settle oíbar buniat boné:

- Ham
- Fónna ar therenin
- Zuban ór hédmot
- Gor duwar
- Thiéñ souñlon
- Jasmani ar Damakir aram ór baabote
- Cómaj ót camil ón ar networking
- Fémli souñlon ar social ór modot
- Insaf

HSP iba ré iindila gori banaíde ki také oínno settlement ar mainstream hédmot douya ókkol lor fúañti ham goribolla. Ibat mazé kelien or Ingilís cikon ót beci diyandé ar fónna ar ham ór baabote mahiri ókkol sinaídibolla positif notija ókkol fadé íínot insaniyot ór laín aícchedé itararé Australiar zindigi loí mili zoún gon mazé modot goré.

HSP ír zaga ókkol ór thikana ar kontek ór maalumát **ece** faíba..

Ofozotto

Zeínthe néiki hono uggwá manúic oré visa iín fas goridila Australia resettle oíbolla,tararé Department of Home Affairs yé HSP hédmot douya ókkollar hasé fargaraí dibou tara Australia foóñci badé HSP ír toulé modot fa fan.

- Refúji (subclass 200, 201, 203 ar 204) visa; ar
- Global Special Humanitarian (subclass 202) visa (Cómaj ye Modot Purugaram ór manúic iín baadé).

Hédmot ókkol

HSP ír kes manager ókkol kelien ór fúañti ham gore zon fotir kes souñlibar pelan banaí bolla ar zin zin tarar zoruriyat ókkol dori faijje iín ór mutabek ye hédmot dibolla

Hédmot ókkol noya noya foóñce de mutabek mesal:

- éirpóuth óttu baraí lón
- foóñci badé takibar zaga ar malsamana zoma rakon
- Hana fani ar zoruri jinis ókkol don
- Centrelink,Medicare ar bank ót rejisthor goribar
- Ekhonor butore dabaí goribar modot
- Mosibot oíle ki gora foriboude yan cikai don ar hotá báñgidoya kengóri fáíbadé yan
- Loukel hédmot ókkol asedé iín dahaí don

Oínno hédmot ókkol také kelien ye tarar settlement ór maksud fura gorifare fan:

- dec ór butore asedé dahaí dibar purugaram ókkol zíin ót neiki kelien ye elom ciki faribou Australiar zindigi ar niyom ór baabote
- lamba góri takibar gor tuaíbar modot
- mainstream or hédmot ókkol kúlibar modot,aramiyot ór ar fémlir ór hédmot ókkol
- loukel cómaj loí ar aktiviti ókkol dahaí don
- Migran dhoónr manúic ór Ingilís prurugaram (AMEP) ibat rejisthor goribolla ar fónnat zaíbolla modot
- Fónna ar therenin ar mahiri ar kualifikecion asedé iín sinaí dibolla botti gorar modot
- Ham ór baabote hédmot ókkol asedé iín lói rapta rakon,ham ór rasta ókkol cikaíyedé iín estamal goron ar hasharbar ekan kulon ór modot.

HSP hédmot douyayé Maana Hotá Báñgidoya Hédmot (FTS) ór dorhas ór baabote yo modot gori faribou,ofozotto kelien zíin asé ar tara onlaín dorhas tulidi nafareddé oíle.

HSP óttu neli zaíboí godé houñte hoíle,zeínthe néiki kelian ye settlement ór zedugun maksud fura gora foreddé asedé iín fura goribadé tarar kes souñlon ór mutabek yé.Bec edok kelien ókkol maksud iín fura gori faré 6 mac óttu 18 mac ór butore Australia foóñci badé.